

PLANO DE ACTUACIÓN DA FUNDACIÓN CITIC DE GALICIA PARA O ANO 2023.

1. OBXECTIVOS DA FUNDACIÓN

A **Fundación CITIC de Galicia** (en diante a Fundación) ten por finalidade a contribución ao fortalecemento, potenciación, crecemento e mellora da competitividade do sector das tecnoloxías da información e as comunicacións (TIC) de Galicia mediante o fomento da excelencia na investigación e a transferencia de tecnoloxía, así como a produción, promoción, asesoramento e divulgación do coñecemento, no campo das TIC, e a formación de persoal experto no devandito campo.

Para o cumprimento deste fin, tal e como queda reflectido nos Estatutos, a Fundación desenvolverá as seguintes actividades:

- a) Realización de proxectos de investigación e consultaría financiados con fondos propios ou procedentes de convocatorias competitivas.
- b) Realización de proxectos de investigación, innovación ou consultaría financiados por contratos de empresas ou entes ou administracións públicas.
- c) Xestión de proxectos de investigación e consultaría técnica financiados por convocatorias competitivas ou por empresas e administracións que desenvolva o CITIC.
- d) Coordinación de grupos ou outros axentes en proxectos de investigación ou innovación en convocatorias públicas, nacionais ou internacionais, fomentando a relación entre os grupos universitarios e axentes públicos ou privados.
- e) Difusión dos resultados da investigación e a transferencia a través de cursos, xornadas ou encontros.
- f) O fomento das colaboracións con outros centros de I+D+i, públicos ou privados, especializados no sector das TIC.
- g) O establecemento de colaboracións e outros mecanismos de cooperación con administracións públicas e o sector privado, para a mellora na súa capacidade tecnolóxica.
- h) Favorecer o tránsito desde a investigación á transferencia de tecnoloxía dos grupos de investigación adscritos ao CITIC.
- i) Organizar e participar en eventos nacionais ou internacionais no ámbito do obxecto e fins fundacionais.

- j) Promover a relación entre o CITIC, a Facultade de Informática da UDC e o sector produtivo, e outros centros de investigación, para crear un polo de I+D+i no ámbito das TIC en Galicia.
- k) Promover a creación de todas as infraestruturas necesarias para o desenvolvemento do CITIC da UDC.
- l) Calquera outras actividades similares ou análogas ás enumeradas nas alíneas anteriores, que o Padroado considerar de interese para a consecución do obxecto fundacional.

2. PLANO DE ACTUACIÓN 2023

A **Fundación CITIC de Galicia** ten previsto para o exercicio 2023 desenvolver o seguinte Plano de actuación:

- i) Impulsarase a difusión da actividade da Fundación co obxectivo de incrementar a proxección pública da mesma e os seus obxectivos así como o maior número posible de beneficiarios da actividade da Fundación.
- ii) Estableceranse alianzas con outros entes sociais implicados na I+D+i co fin de acadar as accións marcadas polos estatutos.
- iii) Promover accións de formación na forma de organización de debates, participación en eventos ou xornadas temáticas como xeito de mellorar e incrementar a colaboración con distintos sectores da sociedade e económicos e facelos beneficiarios dos resultados de I+D+i do Centro.
- iv) En relación co Centro Singular de Investigación CITIC, eido importante nas actividades estatutarias, as principais actuacións da Fundación para o ano 2023 serán as seguintes:
 - (1) Potenciar a Investigación e a Transferencia dos resultados de I+D+i á sociedade en xeral e ao Mercado. Consolidar o CITIC como axente de referencia neste ámbito en Galicia e traballar para intensificar as colaboracións con outros axentes nacionais e internacionais.
 - (2) Xestionar os contratos de I+D+i que, dentro do acordo de colaboración establecido entre a UDC e a Fundación, e as encomendas que como medio propio da UDC que é poidan xurdir.

3. MEMORIA EXPLICATIVA DO PLANO DE ACTUACIÓN 2023

O Plano de actuación da Fundación CITIC de Galicia para 2023 pretende continuar a acción da Fundación e facer operativos os obxectivos fundacionais establecendo como prioridades operativas as seguintes:

- Impulso e consolidación da entidade Fundación CITIC en Galicia.
- Organización da estrutura de Xestión da Fundación.
- Continuación da actividade en cumprimento dos obxectivos fundacionais.

Para levar adiante o Plano de actuación descrito no apartado 2 atendendo ás prioridades que se acaban de citar, a Fundación organízase do seguinte xeito:

a) Padroado.

Fixa as liñas xerais sobre a distribución e aplicación dos fondos dispoñibles e aproba o Plano de actuación e os orzamentos no mes de decembro.

Antes do final de xuño realiza un seguimento dos mesmos, aprobando ao mesmo tempo a memoria e o peche das contas do ano anterior.

O Secretario do Padroado encárgase da súa secretaría: convocatoria formal e certificación dos acordos do Padroado, a custodia de toda a documentación, expedir as certificacións e os informes que sexan necesarios e todas aquelas contidas na Lei 12/2006.

b) Presidencia.

O Presidente e a Vicepresidente realizan o seguimento do período anterior e supervisa a planificación do período seguinte.

De xeito extraordinario reúnese para abordar temas urxentes e que requiran a súa aprobación.

Neste área aglutínase o labor de relación con patróns e colaboradores.

c) Estrutura de Xestión.

Para as súas actividades a Fundación apoiarase nas 3 áreas funcionais e administrativas do CITIC, aspecto recollido no convenio de colaboración entre a UDC e a Fundación:

❖ Área Económica e Administrativa.

Responsabilízase da organización e execución dos programas de actividade promovidos pola Fundación.

Neste área aglutínase o labor de administración da Fundación, así como a relación con provedores.

❖ Área de Transferencia.

Responsabilízase das actividades de transferencia tecnolóxica, a través da sinatura de contratos de I+D+i e da colaboración con empresas.

❖ Área de Comunicación e Divulgación.

Responsabilízase da difusión da actividade a través dos diferentes medios de comunicación, así como da organización de eventos, xornadas e congresos nos que participa a Fundación.

ORZAMENTO

Táboa 1. Orzamento provisional Ingresos e Gastos 2023.

FUNDACIÓN CITIC DE GALICIA	
INGRESOS	2023
1. Ingresos da entidade pola actividade propia	0,00 €
a) Cotas de usuarios e afiliados	0,00 €
b) Ingresos de patrocinadores e colaboradores	0,00 €
c) Subvencións, doazóns e legados imputados ao resultado	0,00 €
2. Ventas e outros ingresos da actividade mercantil.	1.052.000,00 €
3. Outros ingresos	40.000,00 €
4. Ingresos financeiros	0,00 €
5. Ingresos extraordinarios	0,00 €
Total ingresos	1.092.000,00 €
GASTOS	2023
1. Axudas monetarias e outros.	0,00 €
2. Consumos de explotación.	0,00 €
3. Gastos de persoal	450.000,00 €
4. Dotacións para amortización de inmovilizado.	2.500,00 €
5. Outros gastos	610.000,00 €
6. Variación das provisións da actividade e perdas de créditos incobrables.	0,00 €
7. Gastos financeiros e gastos asimilados	0,00 €
8. Gastos extraordinarios	0,00 €
9. Imposto sobre sociedades	0,00 €
Total gastos	1.062.500,00 €